



Adresa: **Ul. Grbavička 4**
71000 Sarajevo
<http://www.voda.ba>

tel. +387 33 565 400
fax. +387 33 565 423
e – mail: jvp@bih.net.ba; info@voda.ba

Broj: **UP-I/25-3-40-057-8/10**
Datum: 14.5.2010. godine

«Agencija za vodno područje rijeke Save» Sarajevo, rješavajući po zahtjevu «Rose – Wood» d.o.o. Gornji Vakuf-Uskoplje za izdavanje vodne dozvole za postojeći objekat male hidroelektrane «Ružnovac» na rijeci Vrbas, u općini Gornji Vakuf-Uskoplje, na osnovu člana 109. stav 1. tačka 6., člana 139. stav 1. tačka 7. a u vezi člana 115. stav 1. Zakona o vodama («Službene novine Federacije BiH», broj 70/06) i člana 200. Zakona o upravnom postupku («Službene novine Federacije BiH», broj 2/98 i 49/98) d o n o s i

RJEŠENJE o vodnoj dozvoli

1. Daje se vodna dozvola «Rose – Wood» d.o.o. Gornji Vakuf-Uskoplje za postojeći objekat male hidroelektrane «Ružnovac» na rijeci Vrbas u općini Gornji Vakuf-Uskoplje instalisane snage 992 kW, odnosno vodna dozvola se daje za korištenje voda za proizvodnju električne energije u postupku pribavljanja dozvole za korištenje (upotrebljena dozvola).
2. Vodna dozvola se daje na osnovu pregledane dostavljene dokumentacije koja čini sastavni dio ovog rješenja i izvršenog uviđaja na terenu.
3. Vodna dozvola se daje na period od 5 (pet) godina, odnosno do 14.5.2015. godine.
4. Vodna dozvola se daje pod slijedećim uslovima:
 - 4.1. Da se izvede rješenje kontinuiranog mjerena proticaja uzvodno od zahvata i nizvodno od preliva na taložnici, kojim će se registrovati prirodni dotok do vodozahvata i ekološki prihvatljiv protok nizvodno, na vodomjernim profilima.
Ovo mjereno predviđjeti da se vrši automatskom opremom, u skladu sa Opštim aktom o održavanju, korištenju i osmatranju vodnog objekta MHE «Ružnovac» i postupanju u slučaju kvara ili havarije, koji je dostavljen u dokumentaciji. Ova oprema treba da se ugraditi najkasnije do 30.11.2010. godine.
 - 4.2. Da se manipulacija hidromehaničkom opremom hidroelektrane vrši na način opisan u Opštem aktu o održavanju, korištenju i osmatranju vodnog objekta MHE «Ružnovac», te da se objekti male hidroelektrane održavaju, koriste i osmatraju u skladu sa tim aktom.
 - 4.3. Da se nakon donošenja Pravilnika o ekološki prihvatljivom protoku, koji će biti donešen u skladu sa članom 62. stav 4. Zakona o vodama («Službene novine Federacije BiH», broj 70/06) odredi nova vrijednost ekološki prihvatljivog proticaja, na način koji će biti utvrđen tim Pravilnikom.

Sadašnji ekološki prihvatljiv proticaj određen u dostavljenoj dokumentaciji je 10% srednjeg godišnjeg proticaja i koji iznosi $0,120 \text{ m}^3/\text{s}$, te je potrebno da se do donošenja pomenutog Pravilnika, utvrdi ekološki prihvatljiv proticaj u skladu sa članom 62. Zakona o vodama, tj. kao minimalni srednji mjesecni protok 95% vjerovatnoće pojave.

- 4.4. Da se vodi dnevnik rada o svim manipulacijama, opažanjima i pojavama, koje se dešavaju na objektima i obalama vodotoka duž trase cjevovoda.
- 4.5. Da se riješi pitanje uvođenja voda iz MHE «Kozica» na r.Kozici u taložnik MHE «Ružnovac» po osnovu uticaja na taloženje, odnosno uvođenje odvodnog cjevovoda iz MHE «Kozica».
- 4.6. Da se trajno čuva sva raspoloživa dokumentacija MHE «Ružnovac» i na zahtjev nadležnih vodoprivrednih organa stavi na uvid.
- 4.7. Da se u slučaju pojave kritičnih situacija (akcidenti, rušenja obala, ekstremno velike vode, ekstremne suše i dr.) vrše aktivnosti prema uputama datim u Opštem aktu o održavanju, korištenju i osmatranju vodnog objekta MHE «Ružnovac» i postupanju u slučaju kvara ili havarije.
- 4.8. Da se vrši redovno vođenje mjesecnih izvještaja o proizvodnji električne energije – «PEE» obrazaca i da se vrši redovito obračunavanje i plaćanje posebne vodne naknade u skladu sa važećim propisima.
- 4.9. Da u roku od jedne godine dana od dana izdavanja ovog rješenja rješi imovinsko pravne odnose na javnom vodnom dobru u skladu sa odredbama Pravilnika o načinu i uslovima ograničenog prava korištenja javnog vodnog dobra («Službene novine Federacije BiH», broj 26/09).
5. Pravo na korištenje vode stečeno na osnovu ove vodne dozvole ne može se prenijeti na drugo pravno ili fizičko lice.
6. Ukoliko zbog korištenja vode za rad HE «Ružnovac» dođe do poremećaja ili promjene režima voda, do erozionih procesa u koritu kod objekata zahvata, strojare i cjevovoda, a to prouzrokuje štete ma kakvog karaktera, korisnik je obavezan uzroke štete otkloniti, a nastale štete nadoknaditi.
7. Rok važenja ove vodne dozvole dat u tački 3. dispozitiva, prestaje da važi ukoliko korisnik ove vodne dozvole ne postupi u skladu sa rokovima datim u tačkama 4.1. i 4.9. dispozitiva.
8. Korisnik je dužan prije isteka roka važenja ove vodne dozvole zatražiti produženje važenja vodnog akta.

O b r a z l o ž e n j e

«Rose – Wood» d.o.o. Gornji Vakuf-Uskoplje svojim zahtjevom bez broja od 26.1.2010. godine zatražio je izdavanje vodne dozvole za korištenje vode za rad MHE «Ružnovac» na rijeci Vrbas u Gornjem Vakufu-Uskoplju.

U postupku rješavanja «Agencija za vodno područje rijeke Save» Sarajevo je razmatrala slijedeću dokumentaciju:

- ovjerena kopija rješenja o upisu u sudski registar,
- ovjerena kopija uvjerenja o registraciji u Jedinstveni registar obveznika indirektnih poreza,
- ovjerna kopija uvjerenja o poreznoj registraciji,
- ovlaštenje za zastupanje u proceduri izdavanja vodne dozvole,
- ovjerena kopija rješenja o okolišnoj dozvoli izdatog od strane Ministarstva prostornog uređenja, obnove i povratka Srednjobosanskog kantona,
- ovjerena kopija rješenja o urbanističkoj saglasnosti izdatog od strane Ministarstva prostornog uređenja, obnove i povratka Srednjebosanskog kantona,
- ovjerena kopija rješenja odobrenja za građenje izdatog od strane Ministarstva prostornog uređenja, obnove i povratka Srednjobosanskog kantona,
- ovjerena kopija vodoprivredne saglasnosti izdate od strane Ministarstva šumarstva, poljoprivrede i vodoprivrede Srednjebosanskog kantona,
- izvještaj o kontroli projektne dokumentacije MHE «Ružnovac», faza-građevinska («Gorica» d.d. Bugojno od 15.12.2008. godine),
- projektna dokumentacija na CD-u,
- ovjerene kopije katastarskog plana za katastarske čestice na kojima se nalaze objekti MHE «Ružnovac»,
- ovjerene kopije zemljišno-knjižnog izvadka za navedene katastarske čestice,
- ovjerene kopije popisnih listova za navedene katastarske čestice,
- elaborat «Hidrološke podloge za MHE «Ružnovac»», urađen od strane «Conel-company» d.o.o. Tuzla, aprila 2006. godine,
- Opšti akt o održavanju, korištenju i osmatranju vodnog objekta MHE «Ružnovac» i postupanju u slučaju kvara ili havarije,
- Rješenje Federalne uprave za inspekcijske poslove – Inspektorat vodoprivredne inspekcije broj UP-I-14/03-25-4-80/09 od 11.2.2010. godine.

Uviđaj na objektu izvršen je 6.5.2010. godine, o čemu je sačinjen odgovarajući Zapisnik u prisustvu ovlaštenog lica podnosioca zahtjeva. Tom prilikom izvršen je i uvid u Glavni projekt MHE «Ružnovac» (urađen od strane «Mak Co» d.o.o. Gornji Vakuf-Uskoplje, juna 2008. godine).

U postupku rješavanja Agencija je utvrdila slijedeće nesporne činjenice:

MHE «Ružnovac» na rijeci Vrbas je tlačna derivaciona hidroelektrana, dakle, bez mogućnosti izravnjanja proticaja. MHE «Ružnovac» se sastoji iz slijedećih objekata: vodozahvat «tirolskog» tipa u koritu rijeke sa taložnicom na desnoj obali (kota 936,73 m.n.m.), cjevovod položen na desnoj i lijevoj obali rijeke sa dva prelaza preko vodotoka (prečnika Ø 1000 mm, dužine 1863 m) i strojara na desnoj obali rijeke (na koti 888,25 m.n.m.). Brutto pad je 52 m, a netto pad 45,40 m, instalirana snaga (projektovana) je 992 kW, planirana godišnja proizvodnja 3.600.000 kWh, instalirani proticaj $Q_i = 1,7 \text{ m}^3/\text{s}$. Srednji proticaj na lokaciji zahvata je $1,2 \text{ m}^3/\text{s}$.

Strojara je van uticaja velikih voda. Odvod iz strojare je izведен sa betonskim kanalom koji se uliva u r.Vrbas. Odvodni kanal je bez slapišta, jer je korito na lokaciji stjenovito bez mogućnosti erozije.

Prelazi cjevovoda rješeni su u armirano-betonskom bloku i čine kaskade u koritu rijeke. Uvidom na objektima zaključeno je da je potrebno pratiti stanje korita rijeke Vrbas duž trase cjevovoda i na lokacijama kaskada, po pitanju eventualne erozije i intervenisati u cilju zaštite cjevovoda, obala korita, objekata mostova i lokalnog puta.

Po pitanju zaštite od tehnoloških otpadnih voda i drugih otpadnih voda uvidom na objektu utvrđeno je da MHE «Ružnovac» ima rješeno prikupljanje eventualno prosutog trafo ulja uz trafo stanicu, te da objekat strojare nema vodosnabdijevanje pitkom vodom, niti sanitарne čvorove jer nije predviđen rad sa posadom.

Podnosioc zahtjeva posjeduje vodoprivrednu saglasnost za objekat MHE «Ružnovac» izdatu od strane Ministarstva poljoprivrede, šumarstva i vodoprivrede Srednjobosanskog kantona.

Tačkom 3. dispozitiva rješenja propisan je rok važenja ove vodne dozvole u skladu sa odredbama člana 117. Zakona o vodama.

Takom 4. dispozitiva rješenja postavljeni su uslovi pod kojima se izdaje ova vodna dozvola u skladu sa odredbama člana 116. Zakona o vodama.

Tačkom 4.1. dispozitiva rješenja postavljen je uslov u skladu sa članom 50. Zakona o vodama i članom 21. stav 2. tačka 6. Pravilnika o sadržaju, uvjetima, načinu izdavanja i čuvanja vodnih akata.

Tačkom 4.2. dispozitiva rješenja postavljen je uslov u skladu sa članom 21. stav 2. tačka 5. Pravilnika o sadržaju, uvjetima, načinu izdavanja i čuvanja vodnih akata.

Tačkom 4.3. dispozitiva rješenja postavljen je uslov u skladu sa članom 62. stav 4. Zakona o vodama.

Tačkom 4.4. dispozitiva rješenja postavljen je uslov vođenja dnevnika o svim manipulacijama opremom i pojavama koje se dešavaju na objektima. Podnosioc zahtjeva je obavezan voditi dnevnik o protoku kroz turbinu, količni preljevanja vode na vodozahvatu, nivou donje vode u vodotoku i sl. Obaveza je propisana u skladu sa članom 21. stav 2. tačka 5. Pravilnika o sadržaju, obliku, uvjetima, načinu izdavanja i čuvanja vodnih akata.

Tačkom 4.6. dispozitiva rješenja postavljena je obaveza podnosiocu zahtjeva u skladu sa odredbama člana 32. Pravilnika o sadržaju, obliku, uvjetima, načinu izdavanja i čuvanja vodnih akata.

Tačkom 4.7. dispozitiva rješenja podnosiocu zahtjeva postavljena je obaveza u skladu sa odredbama člana 21. stav 2. tačka 5. Pravilnika o sadržaju, obliku, uvjetima, načinu izdavanja i čuvanja vodnih akata.

Tačkom 4.8. dispozitiva rješenja podnosiocu zahtjeva postavljena je obaveza u skladu sa odredbama člana III – stav c. Tačka 28. Pravilnika o načinu obračunavanja, postupku i rokovima za obračunavanje i plaćanje i kontroli izmirivanja obaveze na osnovu opće vodne naknade i posebnih vodnih naknada («Službene novine Federacije BiH», broj 92/07).

Tačkom 4.9. dispozitiva rješenja podnosiocu zahtjeva je postavljen uslov u skladu sa članom 12. stav 1. tačka 5. Zakona o vodama i člana 4. stav 1. tačka 6. Pravilnika o načinu i uslovima ograničenog prava korištenja javnog vodnog dobra («Službene novine Federacije BiH» broj 26/09).

Tačkom 5. dispozitiva rješenja predviđena je zabrana u skladu sa članom 117. stav 2. Zakona o vodama.

Tačkom 6. dispozitiva rješenja predviđena je obaveza podnosiocu zahtjeva u skladu sa odredbama člana 94. stav 3. Zakona o vodama, te obaveza da ukoliko zbog korištenja voda za rad objekata i postrojenja MHE «Ružnovac» dođe do poremećaja ili promjene režima voda, a to prouzrokuje štete ma kakvog karaktera, da štete otkloni i nastale štete nadoknadi.

Tačkom 7. dispozitiva rješenja psotavljen je uslov u skladu sa članom 118. stav 3. Zakona o vodama.

Podnosioc zahtjeva je na ime izdavanja vodne dozvole za korištenje vode za rad MHE «Ružnovac» uplatio federalnu upravnu taksu prema Tarifi br. 43. tačka 4.b. Zakona o federalnim upravnim taksama i Tarifi federalnih upravnih taksi («Službene novine Federacije BiH», br. 6/98 i 9/08).

UPUTA O PRAVNOM LIJEKU

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno, pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema broju 3. Tarife federalnih administrativnih taksi.

Dostavljeno:

- «Rose-Wood» d.o.o. Gornji Vakuf/Uskoplje
Gornji Vakuf-Uskoplje, Batuški lug b.b.
- Federalno ministarstvo poljoprivrede, vodoprivrede
i šumarstva Sarajevo
- Federalna uprava za inspekcijske poslove-Inspektorat
vodoprivredne inspekcije Sarajevo
- AVP Sava ISV-Vodna knjiga
- AVP Sava, Org.jed. 50
- AVP Sava, Org.jed. 40, a/a

Po ovlaštenju
Rukovodilac sektora za izdavanje
vodnih akata

Nedžad Vilić, dipl.inž.građ.